

Dua mangsa kebakaran terima sumbangan

DENGKIL - Lembaga Zakat Selangor (LZS) cawangan Sepang menyerahkan sumbangan kepada dua keluarga yang terlibat dalam kebakaran di Taman Gemilang, di sini, Mac lalu.

Ketua Operasi Daerah Sepang, Mohd Nur Fadhli Yohman berkata, keluarga Jamarian Zakaria dan Jaafar Kutty masing-masing menerima sumbangan berjumlah RM3,000 dan RM5,000.

Menurutnya, LZS juga akan membiayai bayaran sewa rumah keluarga Jaafar tersenarai dalam golongan asnaf sehinggalah rumahnya yang terbakar siap dibaikpulih.

"Buat masa ini kedua-dua keluarga itu ditempatkan sementara di rumah sewa di Kampung Jenderam Hilir.

"Jabatan Kebajikan Masyarakat (JKM) membantu mencarikan rumah bagi meringankan beban mangsa yang terlibat," katanya, di sini.



Mohd Nur Fadhli (kanan) ketika menyempahkan sumbangan kepada mangsa kebakaran.

INFO
Masing-masing menerima sumbangan RM3,000 dan RM5,000

kaligus bagi musibah sahaja dan tidak termasuk bantuan lain yang menyusul.

Beliau turut berharap supaya dua keluarga berkenaan dapat bersabar dan reda dengan apa yang berlaku selain tidak berasa berputus asa.

Sinar Harian sebelum ini melaporkan seorang kanak-

kanak maut akibat dipercayai terperangkap dalam kebakaran melibatkan tiga buah rumah di Taman Gemilang.

Ketiga-tiga keluarga berkenaan ditempatkan sementara di Dewan Taman Gemilang sebelum terdapat pihak membantu mencari rumah sewa.

Yok Mangan Mee ziarah rakan sekerja yang uzur

BANTING - Seramai 55 kakitangan Emery Oleochemical mengadakan konvoi 'Kenang-kenangan Yok Mangan Mee' untuk menziarah rakan sekerja yang uzur dan menghulurkan bantuan.

Pengunjungnya, Mohd Hairul Mashuri berkata, program itu julung kali diadakan sejak kilang berkenaan beroperasi 34 tahun yang lalu.

"Sebelum ini kita ada buat makan-makan dan ketika itu ada kawan-kawan yang memberi idea untuk membuat konvoi bermotosikal sambil melawat rakan sekerja yang sakit.

"Tak sangka pula dapat sambutan dan disebabkan itu kami merancang untuk mengadakan konvoi lagi selepas ini, mungkin tiga bulan sekali," katanya.

Mohd Hairul berkata, perjalanan sejauh 160 kilometer dari Telok Panglima Garang ke Kuala Selangor itu memberi pengalaman manis kepada peserta.

"Lebih menarik apabila peserta ada yang dah berumur lebih 45 tahun dan mereka ini nampak semangat dan aktif.

"Saya harap aktiviti ini terus mendapat sambutan bukan sahaja dapat beramal sambil berkonvoi tetapi merapatkan hubungan kekeluargaan," katanya.



Sebahagian peserta yang menyertai konvoi 'Kenang-kenangan Yok Mangan Mee'.

Pemuda Pas kutuk insiden di St Petersburg

BANTING - Pemuda Pas Kuala Langat mengutuk insiden letupan membabitkan dua bahagian gerabak kereta api di stesen metro Sennaya Ploshchad yang menyorokkan 10 nyawa dan berpuluh lagi cedera.

Ketuanya, Muhammad Hanif Jamaluddin berkata, insiden pengeboman itu bercanggah dengan nilai-nilai Islam dan kemanusiaan yang mengharamkan pembunuhan orang awam yang tidak bert dosa.

"Kita bimbang sekiranya ada unsur-unsur keganasan dan konspirasi yang boleh menyebabkan berlakunya perkara lebih buruk berlaku di masa hadapan. "Islam menganjurkan perdamaian dan tidak menyokong se-

barang usaha atau tindakan yang boleh menyebabkan keganasan dan konflik," katanya.

Agensi berita *Interfax* memetik sumber sebagai berkata, salah satu letupan itu dipercayai berpunca daripada bom buatan sendiri.



KLIK

LABOHAN DAGANG

Sebahagian penduduk yang terlibat dalam aktiviti Program Semarak Hijau 3.0 Zon A Dun Dengkil di Balai JKKK Kampung Labohan Dagang. Peribagi aktiviti dijalankan pada hari tersebut termasuklah gotong-royong untuk menggerakkan lagi silaturrahim.